



Ahmad Afiq bersyukur menikmati pelbagai kemudahan mesra OKU di dalam kampus.

# Pelajar OKU terima layanan istimewa

Oleh Faizatul Farhana Farush Khan  
ffarhana@bh.com.my

Kuala Lumpur

Pihak universiti sentiasa menitikberatkan keperluan dan kebajikan pelajar kategori orang kelainan upaya (OKU), bahkan ada yang mengubah suai prasarana di dalam kampus supaya lebih mesra golongan itu.

Universiti Putra Malaysia (UPM) antara yang tidak ketinggalan memfokuskan inisiatif itu sejak tujuh tahun lalu, termasuk dari segi pembangunan infrastruktur, kolej kediaman dan perkhidmatan sosial, bagi memastikan pelajar OKU menikmati suasana pembelajaran selesa.

Timbalan Naib Canselor (Hal Ehwal Pelajar dan Alumni) UPM, Prof Datuk Dr Mohammad Shatar Sabran, berkata pelajar

terbabit ditempatkan di bilik penginapan yang mudah diakses dan berdekatan lokasi utama di dalam kampus, sementara kolej kediaman turut dilengkapi kemudahan lif untuk menyenangkan pergerakan mereka.

Seawal hari pendafataran, katanya, pihak universiti menyediakan pengangkutan percuma untuk menjemput pelajar OKU baharu yang menaiki pesawat, di lapangan



Prof Mohammad Shatar (kanan) menunjukkan pengangkutan percuma yang dilengkapi kemudahan tangga automatik untuk kegunaan pelajar OKU.



Siti Nor Aishah dibantu rakan ketika proses peminjaman buku di perpustakaan MSU.

terbang untuk ke kampus.

## Kemudahan terbaik

Beliau berkata, mereka juga diberi laluan khas tanpa perlu beratur dengan pelajar normal, sebaliknya pendaftaran diuruskan dengan bantuan kakitangan dan hanya membabitkan proses singkat.

"Golongan ini juga mendapat perkhidmatan pengangkutan percuma dilengkapi kemudahan tangga automatik untuk

kerusi roda dan selesa dengan jadual perjalanan mengikut waktu dikehendaki untuk membawa mereka ke kelas atau sekitar kampus.

"Selain itu, mereka boleh menduduki peperiksaan dengan keadaan fleksibel, dikecualikan khidmat masyarakat dan mendapat layanan istimewa agar memperoleh kemudahan terbaik, berasa diterima serta bersemangat mengikuti pengajian," katanya.